

Na osnovu čl. 8. i 9. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije Bosne i Hercegovine“, br. 12/03, 34/03 i 65/13), i člana 45. stav 1. Zakona o Pravobranilaštvu – Novi prečišćeni tekst („Službene novine Kantona Sarajevo“, br. 33/08, 7/12, 44/16 i 45/21), a u skladu sa članom 17. stav 3. i 4. Odluke o Pravobranilaštvu Općine Centar Sarajevo („Službene novine Kantona Sarajevo“, broj 32/10, 50/15 i 10/17), Općinski načelnik raspisuje

JAVNI OGLAS

IMENOVANJE PRAVOBRANIOCA OPĆINE CENTAR SARAJEVO

NAZIV POZICIJE:

Pravobranilac Općine Centar - 1 (jedan) izvršilac –imenovanje se vrši na period od četiri godine i može biti ponovno imenovan.

OPIS POSLOVA:

Predstavlja Pravobranilaštvo, rukovodi njegovim radom i vrši prava i dužnosti utvrđene zakonom, drugim propisima i općim aktima.

OPĆI USLOVI:

- Da je državljanin Bosne i Hercegovine;
- Da je stariji od 18 godina;
- Da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od tri godine prije objavljivanja javnog oglasa;
- Da ne obavlja ni jednu drugu javnu ili profesionalnu dužnost, niti je član izvršnih tijela političke stranke;
- Da nije osuđivan za krivično djelo ili privredni prestup koji predstavlja smetnju za imenovanje na poziciju Općinskog pravobranioaca;
- Da se protiv kandidata ne vodi krivični postupak;
- Da nije obuhvaćen odredbom člana IX. stav 1. Ustava Bosne i Hercegovine;

POSEBNI USLOVI:

- VSS/VII, završen pravni fakultet, (diplomirani pravnik ili bakalaureat/bechelor prava sa ostvarenih 240 ECTS studijskih bodova Bolonjskog sistema studiranja);
- Položen pravosudni ispit;
- Poznavanje rada na računaru;
- Da ima iskustvo u radu na imovinsko - pravnim poslovima u pravobranilaštvu, pravosudnim organima, drugim organima i pravnim licima, u trajanju najmanje pet godina nakon položenog pravosudnog ispita;
- Da je radeći u državnim organima i pravnim licima stekao ugled pravnog stručnjaka i da posjeduje najviše moralne osobine za obavljanje poslova Općinskog pravobranioaca;
- Ne vrši inokosnu funkciju niti je član izvršnog tijela političke organizacije, kako to propisuje član 26. stav 2. Zakona o pravobranilaštvu, odnosno da nije na funkciji u političkoj stranci kako to propisuje član 5. Zakona o ministarskim, vladinim i drugim imenovanjima u Federaciji Bosne i Hercegovine.

Uz prijavu na javni oglas kandidati su dužni priložiti:

- Biografiju, adresu i broj kontakt telefona, svojeručno potpisanu;
- Diplomu o završenom pravnom fakultetu;
- Uvjerenje o položenom pravosudnom ispitu;
- Izvod iz matične knjige rođenih;
- Uvjerenje o državljanstvu ne starije od šest mjeseci;
- Uvjerenje o radnom iskustvu nakon položenog pravosudnog ispita;

- Uvjerenje da kandidat nije otpušten iz državne službe kao rezultat disciplinske mjere, u periodu od tri godine prije objavljivanja javnog oglasa (za one koji su u navedenom periodu radili ili još uvijek rade u državnoj službi) ili izjavu da nije radio u državnoj službi;
- Izjavu da kandidat nije obuhvaćen članom IX. stav 1. Ustava Bosne i Hercegovine;

Kandidati koji se nađu na listi za uži izbor sa kojima će se obaviti intervju, dužni su dostaviti uvjerenje da se protiv kandidata ne vodi krivični postupak.

Uvjerenje o neosuđivanosti za krivična djela koja po zakonu predstavljaju smetnju za rad u državnim organima-Pravobranilaštvu, Općina Centar pribavit će službenim putem.

Dokumenti koji se prilažu moraju biti originali ili ovjerene kopije.

Po završetku izborne procedure, imenovani kandidat dužan je dostaviti ljekarsko uvjerenje o zdravstvenoj i radnoj sposobnosti, prije preuzimanja dužnosti Općinskog pravobranioca.

Odluku o imenovanju Pravobranioca Općine Centar Sarajevo donosi Općinsko vijeće.

Prijave sa traženom dokumentacijom o ispunjavanju uslova oglasa dostaviti lično u zatvorenoj koverti ili putem pošte preporučeno sa naznakom: „Prijava na javni oglas za imenovanje Pravobranioca Općine Centar Sarajevo“ na adresu: Općina Centar Sarajevo, Mis Irbina 1, Sarajevo 71000;

Javni oglas ostaje otvoren 15 dana od dana objavljivanja u „Službenim novinama Federacije BiH“, a biće objavljen u dnevnim novinama „Dnevni avaz“, i dostupan na službenoj WEB stranici Općine Centar.

Kandidati sa liste s užim izborom bit će pozvani na intervju.

Nepotpune i neblagovremene prijave neće se razmatrati.

OPĆINSKI NAČELNIK

Srđan Mandić

Broj: 10-45-147/25

Datum: 10.03.2025. godine